

- o Zaključak o određivanju koeficijenata za utvrđivanje plaća službenika i namještenika u općinskim sudovima za prekršaje, broj: 02-34-3402/03 od 19.02.2003. godine;
- o Zaključak, broj: 02-34-4992/03 od 11.03.2003. godine;
- o Odluka, broj: 02-34-4993/03 od 11.03.2003. godine;
- o Zaključak o određivanju koeficijenata za utvrđivanje plaća službenika i namještenika u pravosudnim organima, broj: 02-34-6081/03 od 21.03.2003. godine;
- o Odluka o izmjenama i dopunama Odluke o plaćama i naknadama rukovoditelja izvršnih organa vlasti Zeničko-dobojskog kantona i službenika izvršnih organa vlasti koje imenuje, odnosno postavlja Vlada Zeničko-dobojskog kantona, broj: 02-34-22281/03 od 13.10.2003. godine;
- o Zaključak o izmjenama i dopunama Zaključka o određivanju koeficijenata za utvrđivanje plaća funkcionera, rukovodećih radnika i radnika u Vladi Zeničko-dobojskog kantona, kantonalnim ministarstvima i drugim tijelima kantonalne uprave, broj: 02-34-22282/03 od 13.10.2003. godine;
- o Zaključak o izmjenama i dopunama Zaključka o određivanju koeficijenata za utvrđivanje plaća funkcionera, rukovodećih radnika i radnika u Vladi Zeničko-dobojskog kantona, kantonalnim ministarstvima i drugim tijelima kantonalne uprave, broj: 02-34-27431/03 od 22.12.2003. godine;
- o Odluka o izmjenama i dopunama Odluke o plaćama i naknadama rukovoditeljima izvršnih organa vlasti Zeničko-dobojskog kantona i službenika izvršnih organa vlasti koje imenuje, odnosno postavlja Vlada Zeničko-dobojskog kantona, broj: 02-34-27432/03. od 22.12.2003. godine.

### III

Ovaj zaključak stupa na snagu danom donošenja, a primjenjivat će se od 01.08.2005. godine i objavit će se u "Službenim novinama Zeničko-dobojskog kantona".

Broj: 02-34-22712/05

Zenica, 09.08.2005. godine

**PREMLJER**

Nedžad Polić, s.r.

MINISTARSTVO ZA PRAVOSUĐE I UPRAVU

### 256

Na temelju članka 7. Zakona o Kantonalnom Zavodu za pravnu pomoć ("Službene novine Zeničko-dobojskog kantona", broj: 5/05) i članka 41. stavak 2. točka 2. Zakona o kantonalnoj upravi ("Službene novine Zeničko-dobojskog kantona", broj: 9/00) Ministarstvo za pravosuđe i upravu Zeničko-dobojskog kantona, donosi:

## PRAVILNIK O NAČINU I UVJETIMA PRUŽANJA PRAVNE POMOĆI

### Članak 1.

Kantonalni zavod za pravnu pomoć (u daljem tekstu Zavod) pruža pravnu pomoć licima lošeg imovnog stanja, ako Zakonom o kantonalnom zavodu za pravnu pomoć nije drugačije propisano.

### Članak 2.

Licima lošeg imovnog stanja smatraju se lica koja, prema svom općem imovnom stanju, nemaju sredstava niti mogućnosti dobivanja zajma ili drugih sredstava da plate odvjetnika i snose sve ostale troškove zastupanja, bez štete za nužno izdržavanje sebe i svoje porodice.

### Članak 3.

Lica iz prethodnog člana su:

- korisnik stalne socijalne pomoći,
- djeca bez oba roditelja,
- bračni, odnosno vanbračni drugovi bez djece u predmetima nasljeđivanja, a čija novčana primanja ne prelaze visinu minimalne penzije,
- druga lica za koja ravnatelj Zavoda, na njihov zahtjev, ocjeni da nemaju sredstava niti mogućnosti dobivanja zajma ili drugih sredstava da plate odvjetnika i snose sve ostale troškove zastupanja, bez štete za nužno izdržavanje sebe i svoje porodice. kao i
- lica za koja sud, na njihov zahtjev, u krivičnom postupku ocjeni da prema svom imovnom stanju ne mogu snositi troškove odbrane.

### Članak 4.

O zahtjevu za postavljenje branitelja zbog slabog imovnog stanja, ako Zakonom o kantonalnom zavodu za pravnu pomoć i ovim Pravilnikom nije drugačije propisano, odlučuje branitelj/punomoćnik (u daljem tekstu branitelj) Zavoda, nakon prethodno obavijenog intervjua sa podnositeljem zahtjeva za postavljenje branitelja zbog slabog imovnog stanja radi dobivanja osnovnih informacija o socijalnom statusu podnositelja zahtjeva, broju članova porodičnog domaćinstva koje podnositelj zahtjeva izdržava, njegovom mjesečnom prihodu i drugih podataka na temelju kojih se utvrđuje podobnost za zastupanje od strane Zavoda.

### Članak 5.

Ukoliko se na temelju prethodnog intervjua utvrdi da bi se moglo raditi o licu kojem Zavod pruža besplatnu pravnu pomoć zahtijevat će se da to lice dostavi Zavodu dokaze o imovnom stanju, osim u slučajevima kada osumnjičenom, odnosno optuženom, branitelja postavlja sudija za prethodni postupak, sudija za prethodno saslušanje, sudija, odnosno predsjednik vijeća sa liste branitelja.



**Članak 6.**

Loše imovno stanje dokazuje se:

- potvrdom centra za socijalni rad ili potvrdom nadležne općinske službe socijalnog staranja,
- uvjerenjem poreske uprave,
- izjavom o porodičnoj i materijalnoj situaciji.

Dokumenti iz prethodnog stavka moraju se predati u originalnoj formi ili ovjerene kopije.

**Članak 7.**

Lice lošeg imovnog stanja stavljanjem potpisa na izjavu za dodjelu branitelja za pružanje besplatne pravne pomoći za istinitost datih podataka odgovara pod materijalnom i krivičnom odgovornosti, osim u slučajevima kada osumnjičenom, odnosno optuženom branitelja postavlja sudija za prethodni postupak, sudija za prethodno saslušanje, sudija, odnosno predsjednik vijeća sa liste branitelja.

**Članak 8.**

Lice lošeg imovnog stanja mora ispunjavati uvjete za odobravanje besplatne pravne pomoći od strane Zavoda tijekom cijelog perioda za koji mu je pravna pomoć branitelja Zavoda odobrena.

**Članak 9.**

Zavod će licima lošeg imovnog stanja pružati usluge počev od pokretanja postupka pa do pravosnažnosti odluke nadležnog organa, odnosno do prestanka podobnosti za pružanje besplatne pravne pomoći.

**Članak 10.**

Pravilnik stupa na snagu osmog dana od dana objavljivanja u "Službenim novinama Zeničko-dobojskog kantona".

Broj:06-34-23847/05

**MINISTRICA**

Zenica, 26.08.2005.godine

Željka Klobučar, s.r.

257

**ISPRAVKA**

Po izvršenom sravnjivanju sa Izvornikom teksta liste utvrđeno je da se u Listi postavljenih stalnih sudskih tumača za područje Zeničko-dobojskog kantona broj: 06-34-19621-1/04 od 26.04.2005. godine potkrala dolje navednena tiskarska greška pa se daje

**ISPRAVKA**

**LISTE POSTAVLJENIH STALNIH SUDSKIH  
TUMAČA ZA PODRUČJE  
ZENIČKO-DOBOJSKOG KANTONA**

U retku 5. kolona 4. redak drugi, umjesto broja «032/555-449» treba da stoji broj: »032/555-499» .

**MINISTARSTVO ZA OBRAZOVANJE,  
NAUKU, KULTURU I SPORT**

258

Na temelju članka 40. st. 1. Zakona o osnovnoj školi i članka 43. st. 1. Zakona o srednjoj školi ("Službene novine Zeničko-dobojskog kantona", broj 5/04), Ministarstvo za obrazovanje, nauku, kulturu i šport, donosi:

**ODLUKU**

**o uporabi školskih udžbenika i drugih  
nastavnih sredstava u 2005/06. godini**

**Članak 1.**

U školskoj 2005/06. godini, odobrava se uporaba udžbenika i drugih nastavnih sredstava u osnovnim i srednjim školama sa spiska Federalnog ministarstva obrazovanja i nauke, objavljenog u "Bosansko-hercegovačkom školskom glasniku", vanredni broj od augusta/kolovoza 2005. godine, izmjene Spiska "Bosanskohercegovačkog školskog glasnika", (akt broj: 10-38-24043/05, od 29.08.2005) i dopune Spiska odobrenih udžbenika za školsku 2005/06. godinu (akt broj: 10-38-24043-1/05).

**Članak 2.**

Ova odluka stupa na snagu danom donošenja i objavit će se u "Službenim novinama Zeničko-dobojskog kantona"

Broj: 10-38-24209/05

**MINISTAR**

Zenica, 31.08.2005. godine Sreto Tomašević, s.r.

259

Na temelju članka 23. Zakona o osnovnoj školi ("Službene novine Zeničko-dobojskog kantona", broj 5/04), Prijedloga stručne komisije za izradu nastavnog plana i programa, standarda i normativa za drugi razred devetogodišnje osnovne škole i Izjave kantonalnih ministara obrazovanja u Federaciji Bosne i Hercegovine o provođenju zajedničkih aktivnosti na pripremi prijedloga strategije prelaska na obavezno devetogodišnje osnovno obrazovanje i odgoj od 8.srpnja 2004. godine, Ministarstvo za obrazovanje, nauku, kulturu i šport Zeničko-dobojskog kantona d o n o s i

**OKVIRNI NASTAVNI PLAN I PROGRAM****I**

Ministarstvo za obrazovanje, nauku, kulturu i šport Zeničko-dobojskog kantona donosi Okvirni nastavni plan i program za drugi razred devetogodišnje osnovne škole.

Ovaj Okvirni nastavni plan i program će se primjenjivati od školske 2005/06. godine u Zeničko-dobojskom kantonu .

**II**

Okvirni nastavni plan i program i konačni tekst prijedloga dokumenta – Konceptija devetogodišnjeg osnovnog odgoja i obrazovanja (u elektronskoj verziji – disketa) su sastavni dijelovi ovog akta